

**CRICKET ASSOCIATION
OF MIZORAM**



TECHNICAL RULES

CONTENTS

	Page
A. Club chungchang	- 1
B. Cub leh player chungchang	- 7
C. Inkhelh laia thu tlukna siam chungchang	- 10
D. Chucking	- 11
E. Tournament rules	- 12
F. CAM member nih chungchang	- 12

CRICKET ASSOCIATION OF MIZORAM

Technical Rules

A. Club chungchang

1. Cricket Association hnuaiia club te'n club hming a pu/nei ngei tur a ni. Pawl dang emaw, association dang emaw hnuaiiah a awm thianga lo a, CAM hnuaiia awm independent/autonomous club a ni tur a ni.
2. Hnam bil, sumdawnna, mimal leh pawl bik adt. hminga club hming phuah leh din phal a ni lo.
3. Engemaw loh theih loh avanga club hming thlak anih dawnin club office bearers nilai te'n an hriatpuina leh remtihpuina thuziak leh signature te nen CAM ah thlak dilna an tehluh anga, dilna pawmpui anih hnuah chauh club hming thlak theih a ni ang. Player pawh season hmasa a mi 70% tal an awm tur a ni.
4. Club affiliation/registration leh player registration hi season tin August thla ni 15 aṅanga ni 31 chhunga tihfel vek zel tur a ni. Hemi hun chhung hian player transfer hun hawn a ni bawh ang. Club affiliation hian a kum leh August ni 15

thleng a huam ang. Heimi hun chhung bak chu eng player mah ziahluh (register) theih a ni lo ang.

5. CAM hnuaiia club tan outstation player register theih a ni lo.
6. Local player atana inziaklut tur te chu - Mizoram sawrkar hnuaiia Voter's ID leh Ration Card original enfiah anih hnuah an photo copy an thehlut tur a ni. Kum tling lo Voter's ID nei lo te chuan Adhaar Card an nei tur a ni. Hei bakah hian passport size thlalak pakhat, signature, email id address, contact number, leh address kimchang a thehlut tel tur a ni. CAM hnuaiia inziaklut (registered player) an nih tawh chuan inziiahluh nawn a ngai lo ang.

AGM in a phal chuan 2nd division chinah outstation player bituk zat awmin ziah luh theih a ni ang.

7. Club in CAM Technical Rules a bawhchhia anih chuan Technical Committee in hremna a lekkawh ang. Hremna hi hriattirna chhuah anih atanga ni saraih ral hmain Apex Council ah an appeal thei ang.

8. CAM hnuaiia club (1st division, 2nd division, 3rd division) player 15 aia tlem lo leh player 30 aia tam lo an register tur a ni. Non-League club te'n player 15 aia tlem lo an register bawk tur a ni. (Non-League hi a tam lam bituk a ni lo)
9. CAM hnuaiia Full Member club 3rd division a season khat aia rei an awm chuan an awm chhung zawng CAM aṅanga an fund dawn tur 10 % a tih tlemsak an ni ang. Associate Member Non-League lama tla thla (relegate) an awma, season khat aia rei an awm anih chuan an awm chhung zawng CAM aṅanga an fund dawn tur 10 % a tih tlemsak an ni ang a, season thum chhunga 3rd division a an let leh hman loh chuan an Associate Member status paih sak theih an ni ang. (Heng hi 2023 – 24 season aṅanga chhut ṅan tur a ni ang)

Full Member te 3rd Division a an tlak hniam aṅanga season thum chhunga division sang zawkah an kai leh hman lo anih chuan fund an dawn tur 50% cut sak emaw Associate Member fund dawn thin zat emaw pek tur a ni.

10. Associate Member, Full Member, District Association te'n CAM aṅanga fund an dawn te audit an paltlang zo lo anih chuan CAM hnuaiia membership status hlihsak theih an ni ang.

11. Club pakhat tan CAM in pitch pakhat a siamsak thei a. Amaherawhchu, Associate Member tal an ni tur a ni. CAM a pitch siamna dil dawn hian an siamna hmun tur ram neitute phalna (No objection certificate) a tlem berah kum 5 tal an nei tur a ni. District Association Adhoc Member te ah pawh hetiang dan hi kalpui tur a ni a.
12. District Association te Associate Member chin an nih chuan pitch hi district pakhat tan pahnih siamsak theih an ni ang. District chhunga nung taka kalpuinaah chuan a hmun/khua a zirin a zat hi a danglam thei ang.
13. Club pakhatin category khatah team pakhat aia tam a enkawl thei lo ang. Full Member club an nih chuan AGM ah club aiawh pakhat bak an tir thei lo ang. Full Member pawh club/veng pakhat aṅangin pakhat bak awm theih a ni lo.
14. CAM hnuaia club leh District Association te'n term khat (season 3) atan hruaitu/OB an thlang ṭhin tur a ni a, an hruaitu thlan thar te chu kar khat ral hmam CAM office ah an report/thehlut ngei tur a ni.

Hruaitu thlan hi Full Member chinah CAM aṅangin Observer an dil tur a ni a, anni telpuina

hnuaiia inthlan chauh pawm tur a ni. Hetiang hi post thlan dan tur a ni ang.(i)President (ii)Vice President (iii)Secretary (iv)Joint Secretary (v)Treasurer Hemi thu zawm lo te chu affiliated club ah pawm theih an ni lo. Associate Member leh Adhoc Member te chu heng post ang tho hian anmahniin hruaitu an thlang thei ang.

15. Club/District tinin Flag leh Logo an nei tur a ni a, official letter an nei bawk tur a ni. Club/District in CAM a lehkha thehluh reng rengah official letter a hmanh tur a ni. A format erawh club te zalennaah dah a ni.
16. CAM hnuaiia club/district association te'n lungawilohna engpawh an nei anih chuan ziakin CAM Technical Committee ah an thehluh tur a ni.
17. CAM in player a mamawh anih chuan eng hunah pawh chu player chu club/district in a pe/release tur a ni. A ti duh lo anih chuan an fund dawn tur tih tlem tur a ni a, a case azirin an affiliation cancel sak thlenga hrem theih a ni ang.
18. CAM hnuaiia affiliated unit (club/district) te hian an khelh tur tournament zawng zawng an khel kim ngei tur a ni a, an khelh ngeina turah an

inlan lo emaw match an khel tluan lo emaw anih chuan participation prize, match fee adt. an dawn tur pek an ni lo ang. Tin, AGM/SGM leh meeting an telna ngei turah an tel lo anih chuan ni 15 chhungin CAM Apex Council ah an insawifiah ang a, chhuanlam tling anih loh chuan an fund dawn tur tih tlem tur a ni a, a case azirin affiliation cancel sak thlengin hrem theih an ni ang. AGM ah hian Associate Member chin an tel thei ang.

19. CAM hnuaiia affiliated unit ten dik lo taka player an ziakluta hriatchhuah an nih chuan – (i) chu player chu khelch chhonzawm phalsak a ni tawh lo ang a, player telna tournament a khelch laia match an lo khelch tawha an chak tawhna match pawh chak lo zawka puan tur a ni ang a, an tumpui te chak zawka puan tur a ni. League match anih chuan Net Run Rate (NRR) zero a ni ang. (ii) club/association te an dik lohna man chhuah an nih chuan an tournament khelch mekna prize money/match money an dawn tur atanga 50% cut sak tur an ni.

20. CAM Tournament buatsaihah district a registered player te hi pawm vek tur a ni.

B. Club leh player chungchang

1. CAM affiliate player tupawh an in affiliate lohna club ah an khel anih chuan chumi season chung CAM buatsaih tournament engahmah an inlan thei tawh lo ang.
2. Player tupawhin club nena an agreement/contract a bawhchhia anih chuan club aṅanga hamṅhatna a lo dawn tawh (contract a inziak) chu a pe let leh vek tur a ni. Club leh CAM aṅanga hamṅhatna a dawn tur awmsa pawh a chān vek ang. Tin, season lo awm leh tura CAM buatsaih eng tournament ah mah a inlan thei lo ang.
3. Eng club pawhin player nena an agreement/contract an bawhchhia anih chuan Technical Committee in an chungah hremna a lekkawh ang. Hremnaah hian player chhuahzalen emaw affiliation cancel sak emaw thlengin hrem theih an ni ang.
4. Player zawng zawng te'n club tan contract an sign in, contract rei zawng, a tlem lamah season hnih leh a tam lamah season li (4) inkar a ni tur a ni.
5. Contract nei lo player te chuan club leh player inkarah agreement an duh hunah an ziak thei ang a, CAM hnuaia player ziaklut tur erawh

chuan August ni 15 aṭanga ni 31 inkar, CAM in registration a hawn chhungin in register tur a ni thung ang.

6. Contract in a phuar chhung chu player in a awmna club thu a zawm tur a ni. Club danga insawn chungchangah pawh a awmna club hnen aṭangin No Objection Certificate (NOC) a la ang a, CAM ah a thehlut tur a ni. Tin, contract period a zawh tawh chuan chu player chu 'free man' a ni ang a, a duh zawng club a zawm thei ang a, a chhuahsan club aṭangin NOC lak kher a ngai lo.
7. Player leh club inkar contract/agreement hi club affiliation tih rualin a copy CAM ah thehluh tur a ni a. Player leh club te pawhin a copy an kawl tur a ni.
8. CAM technical rules bawhchhiatna a thlen reng rengin ziaka complain dawn anih hnuah chauh Technical Committee in a ngaihtuah ṭhin ang.
9. Match neih laiin ground chhung leh pawnah pawh player/manager/coach te'n ṭawngkam mawi lo a player pui leh official te lakah a/an hmana, match Referee te'n thil thleng chu hremna tling nia an ngaih chuan - (i) match khat hrem/suspend tur a ni. A/an la tinawn zel anih chuan season

tournament a/an khelh meknaah tel thei lo tura hrem/suspend a/an ni ang. (ii) Kutthawh/physical contact an awm anih chuan tournament suspend bakah match money/prize money 20% a khelhna team dawn tur cut sak a ni ang. A/an la tilui zel anih chuan season kal mek atana khel thei lo tura hrem/suspend tur a ni.

C. Inkhelh laia thu tlukna siam chungchang

1. Match enkawl tur hian Match Referee pakhat, Umpire pahnih, Scorer pahnih (online leh manual) an awm anga, match khelhlai chuan khelmual chhungah Umpire thu a lal ber ang. An thutlukna pawh thutawp a ni ang. Tluang taka match khelh theih lohna harsatna a awm anih chuan Match Referee thutlukna a lal ber ang. Umpire leh Scorer te chunga lungawihlohna nei te chuan Match Referee hnenah complain an thehlut anga, Match referee in thutlukna a siam ang. Match referee thutluknaa lungawilo te'n Technical Committee ah complain an thehlut thei anga, annin a tul danin thutlukna an siam ang.
2. Engvangpawha match khelh zawh theih loh anih chuan BCCI rules hman a ni ang. BCCI rules hi tournament laia a thar a lo chhuak anih pawhin tournament atana a tira pawm kha rin tlang tur a ni.

D. Chucking

1. CAM buatsaih tournament reng rengah bowler te'n a dik thlapin an vawm tur a ni. Vawm dan dik lo 'chucking' a awm chuan Match Refree in team manager/coach a hriattir anga, vawm chhonzawm phalsak a ni lo ang.
2. Bowler in a vawm dik em tih Match Refree leh Umpire te'n uluk takin an en tur a ni a, an tehnaa tling lo te chu tournament ah an vawm chhonzawm phalsak an ni lo ang.
3. Chucking suspect/rinhlelh te chuan Mizoram Cricket Academy (MCA) leh Umpire Committee hnuaiah clinic an paltlang hma loh chuan CAM buatsaih tournament ah an bowl phalsak a ni tawh lo ang.

E. Tournament rules

1. BCCI rules thar ber zel tournament ah hman tur a ni.
2. Umpire thutlukna te, match official thutlukna te hi player leh club in match khelh laiin an dodal tur a ni lo a; dan bawhchhia chu hrem tur an ni. Match official te laka lungawilohna nei chuan ziakin Technical Committee ah an thlen tur a ni.
3. Technical Committee thutlukna hi Apex Council in a pawmpui hnuah action lak thin a ni ang.

F. CAM member nih chungchang

1. CAM hnuai Full Member/Associate Member ni tur chuan - Apex Council meeting a rel turin dilna an thehlut tur a ni a, Apex meeting in a remtih chuan AGM/SGM ah ngaihtuah turin a thlen ang.

Full Member bik chu AGM/SGM ah special majority hmangin Full Member te'n secret ballot hmangin Full Member tur an thlang ang a, special majority dan hmangin an tling ngei tur a ni.

Special majority chu Full Member club awm

zawng zawng/total member of Full Member (meeting present ni loin) vote hmun thuma thena hmun hnih (2/3 majority) hmu phak tihna a ni. Special majority an hmu pha lo anih chuan kum/season hnih atan chu vote lakna chu rin tur a ni ang. Full Member ni tur hian club/district te'n CAM hnuiah chatlak loin term 4 (i.e.12 yrs) an kalpui tur a ni a, Associate Member nilai an ni tur a ni a, 2nd division ah a rei lo berah season hnih tal awm tawh an ni bawh tur a ni.

Heng bakah hian Full Member ni turin CAM hnuiaia term OB thlanna neihpui/hriatpui a ni ngei tur a ni a, CAM in sum a audit sak thin leh felfai taka sum dawnna leh hmanna vawng thin an ni tur a ni. Tournament leh activities hrang hrang pawh ngaipawimawh mi an ni tur a ni.

2. CAM hnuiaia Associate Member ni turin - Associate Member hi 3rd division chin tal an ni tur a ni. Amaherawhchu, Associate Member hi pek nghal ngawt tur ni loin, club atanga dilna a rawn luh hnuah Apex Council in a pawm chuan he status hi inpek chauh tur a ni ang.

District Association tan Associate Member ni turin District Cricket Association hnuiaiah registered club (District hnuai Associate Member

Club) paruk tal an awm tur a ni a, CAM thuchhuak leh inkaihhraina ngai pawimawh an ni tur a ni. Sum leh thil dang felfai taka vawnga, felfai taka chhinchhiah an ni tur a ni. Academy kalpui an ni bawk tur a ni. (as on - District Inkaihhraina rules 1.B)

Associate Member nih dil unit te'n Apex Council meeting a rel turin dilna an thehltur tur a ni a, Apex meeting in a remtih chuan he status hi pek an ni ang.

3. Standing Committee member leh Cricket Committee member ruat dawnin Full Member leh Associate Member aṅang chauha ruat tur a ni. Full Member ah club pakhat aṅangin mi 1 tal ruat a ni a, mi 3 aia tam ruat theih an ni lo.

Associate Member aṅangin mi 3 aia tam ruat theih a ni lo.

Amaherawhchu, CAM hruaitu hlui lo ni tawh, Mizoram tana lo khel tawh te erawh club vawn lai an nei lo anih pawhin AGM/SGM in a ruat thei ang.